



0  
1cm  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28

茶江圖書館

deli得力



浙江圖書館



浙江圖書館

劉賓客文集卷第

二十四

浙江圖書館

孫承澤

卷第



浙江圖書館

劉賓客文集卷第二十四



七言五十六首

西塞山懷古

館

羅昭諫詩云吳塞當時指此山立領西晉滅吳說六所謂探驪得秘頷下珠也

西○晉○樓○船○下○益○州○金○陵○王○氣○漠○然○收○千○尋○缺○鎖○沈○江○  
一○片○降○幡○出○石○頭○人○世○幾○回○傷○往○事○山○形○依○舊○枕○

寒流今逢四海為家日故壘蕭蕭，芟荻秋

陽山廟觀賽神

梁松南征至此遂為其神在朗州

漢家都尉舊征蠻血食如今配此山曲蓋幽深蒼檜

下洞簫愁絕翠屏間荆巫脉脉傳神語野老婆娑啓

醉顏日落風生廟門外幾人連蹋竹歌還

中山集

漢壽城春望

古荊州刺史治亭其下有子晉廟兼楚王故墳

漢壽城邊野草春  
荒祠古墓對荆榛  
田中牧豎燒芻狗  
陌上行人看石麟  
華表半空經霹靂  
碑文纔見滿埃塵  
不知何日東瀛變  
此地還成要路津

後梁宣明二帝碑堂下作

玉馬朝周從此辭  
園陵寂寞對豐碑  
千行宰樹荊州道  
莫雨蕭蕭聞子規

荊州道懷古 浙

南國山川舊帝畿  
宋臺梁館尚依稀  
馬嘶古樹行人歇  
麥秀空城澤雉飛  
風吹落葉填宮井  
火入荒陵化

寶衣徒使詞臣度  
開府威陽終日苦  
思歸

寶衣徒使詞臣庾開府咸陽終日苦思歸

朗州竇員外見示與澧州元郎中郡齋贈

荅長句二篇因而繼和

鴛鴦差池出建章綵旗朱戶鬱相望新恩共理大牙  
地昨日同含雞舌香白芷江邊分驛路山桃蹊外接  
甘棠應憐一罷金閨籍枉渚逢春十度傷

蚤春對雪奉寄澧州元郎中

新賜魚書墨未乾賢人暫屈遠人安朝驅旌旆行時  
今夜見星辰憶舊官梅蘂覆階鈴閣燠雪峰當戶戟  
枝寒寧知楚客思公子北望長吟澧有蘭

竇朗州見示與澧州元郎中蚤秋贈荅命

同作

鄰境諸侯同舍郎  
芷江蘭浦限無梁  
秋風門外旌旗動  
曉露庭中橘柚香  
玉簾微涼宜白晝  
金笳入莫應清商  
騷人昨夜聞題鵝  
不歎流年惜衆芳

衢州徐員外使君遺以縞紵兼竹書箱因  
成一篇用荅佳祝  
按此郡本自婺州析置徐自台州遷

爛柯山下舊仙郎  
列宿來添婺女光  
遠放歌聲分白紵  
知傳家學與青箱  
水朝滄海何時去  
蘭在幽林亦自芳  
聞道天台有遺愛  
人將琪樹比甘棠

唐秀才贈端州紫石現以詩荅之

唐秀才贈端州紫石硯以詩答之

端州石硯人間重。贈我應知正草玄。闕里廟中空舊  
物。開方竈下豈天然。玉螭吐水霞光靜。綵翰搖風絳  
錦鮮。此日慵工記名姓。因君數到墨池前。

覽董評事思歸之什因以詩贈

幾年油幕佐征東。却泛滄浪狎釣童。歌枕醉眠成戲  
蝶。抱琴閑望送歸鴻。文儒自襲膠西相。倚伏能齊塞  
上翁。更說扁舟動鄉思。青菰已熟柰秋風。

松滋渡望硯中

渡頭輕雨洒寒梅。雲際溶溶雪水來。夢渚草長迷楚  
中山集

二十四

望夷陵土黑有秦灰。巴人淚應猿聲落。蜀客船從鳥道回。十二碧峰何處所。永安宮外是荒臺。

揚州春夜李端公益張侍御登段侍御平

仲密縣李少府暘秘書張正字復元同會

於水館對酒聯句追刻燭擊銅鉢故事遲

輒舉觥以飲之。連夜艾群公沾醉紛然就

枕。余偶獨醒。因題詩於段君枕上。以志其

事。

浙

寂々獨看金燼落。紛々只見玉山頽。自羞不是高陽  
侶。一夜星々騎馬回。

逢王十二學士入翰林因以詩贈時貞元

逢王十二學士入翰林因以詩贈時貞元二十年

王以藍田尉充學士

廐馬翩翩禁外逢星槎上漢香難從定知欲報淮南  
詔促召王褒入九重

關下口號呈柳儀曹

綵仗神旗獵曉風雞人一唱鼓蓬蓬銅壺漏水何時  
歇如此相催即老翁

監祠夕月壇書事

其禮周書

西皞司分晝夜平羲和亭午太陰生鏗鏘揖讓秋光  
裏觀者如雲出鳳城

戲贈崔千牛

學道深山虛老人，留名萬代不關身。  
勸君多買長安酒，南陌東城占取春。

館

元和甲午歲詔書盡徵江湘逐客，余自武  
陵赴京宿於都亭，有懷續來諸君子。

雲雨江湘起卧龍，武陵樵客躡仙蹤。  
十年楚水楓林下，今夜初聞長樂鐘。

江

江陵嚴司空見示與成都武相公唱和，因  
命同作

南荆西蜀大行臺，幕府旌門相對開。  
名重三司平水

土威雄八陳，役風雷。彩雲朝望青城起，錦浪秋經白

南荆西蜀大行臺幕府旌門相對開名重三司平水

土威雄八陳役風雷彩雲朝望青城起錦浪秋經白  
帝來不是郢中清唱發誰當丞相撥天才

徵還京師見舊番官馮叔達

前者忽、樸被行十年顛顛到京城南宮舊吏來相  
問何處淹留白髮生

故洛城古牆圖

粉落椒飛知幾春風吹雨洒旋成塵莫言一片危基  
在猶過無窮來往人

元和十一年自朗州承召至京戲贈看花

諸君子

中山集

夕

紫陌紅塵拂面來。無人不道看花回。玄都觀裏桃千樹。盡是劉郎去後栽。

再遊玄都觀絕句官并引

余貞元二十一年為屯田員外郎時。此觀未有花。是歲出牧連州。尋貶朗州司馬。居十年。召至京師。人人皆言有道士手植仙桃。滿觀如紅霞。遂有前篇以志一時之事。旋又出牧。今十有四年。復為主客郎中。重遊玄都。蕩然無復一樹。唯兔葵燕麥。動搖於春風耳。因再題二十八字。以俟後遊。時大和二年三月。百畝中庭半是苔。桃花淨盡菜花開。種桃道士歸何

怨而怒矣 處前度劉郎今獨來

望夫石 正對和州郡樓

終日望夫，不歸化為孤石苦相思望來已是幾千載只似當時初望時

金陵五題 并引書

余少為江南客而未遊秣陵嘗有遺恨後為歷陽守  
跂而望之適有客以金陵五題相示適爾生思歎然  
有得他日友人白樂天掉頭苦吟歎賞良久且曰石  
頭詩云潮打空城寂寞回吾知後之詩人不復措詞  
矣餘四詠雖不及此亦不孤樂天之言爾

中山集

六

百畝中庭半是苔  
桃李花開種桃道士歸何

石頭城

山圍故國周遭在。潮打空城寂寞回。淮水東邊舊時  
月夜深還過女牆來。

烏衣巷

朱雀橋邊野草花。烏衣巷口夕陽斜。舊來王謝堂前  
燕飛入尋常百姓家。

臺城

臺城六代競豪華。結綺臨春事最奢。萬戶千門成野  
草。只緣一曲後庭花。

生公講堂

生公說法鬼神聽。身後空堂夜不扃。高坐寂寥塵漠

生公說法鬼神聽  
身後空堂夜不扃  
高坐寂寥塵漠漠  
一方明月可中庭

江令宅

南朝詞臣北朝客  
歸來唯見秦淮碧  
池臺竹樹三畝餘  
至今人道江家宅

謝寺

揚州法雲寺謝鎮西宅古檜存焉

雙檜蒼然古貌奇  
含烟吐霧鬱參差  
晚依禪客當金殿  
初對將軍映畫旗  
龍象界中成寶蓋  
鴛鴦瓦上出高枝  
長明燈是前朝焰  
曾照青衫年少時

韓信廟

二十の

將略兵機命世雄。蒼黃鐘室嘆良弓。遂令後代登壇者。每一尋思怕立功。

秋夜安國觀聞笙

織女分明銀漢秋。桂枝梧葉共颺。月露滿庭人寂

。霓裳一曲在高樓。

圖

洛中寺北樓見賀監草書題詩

高樓賀監昔曾登。壁上筆蹤龍虎騰。中國書流讓皇

象。北朝文士重徐陵。偶因獨見空驚目。恨不同時便

伏膺。唯恐塵埃轉磨滅。再三珍重囑山僧。

聞韓賓擢第歸覲以詩美之兼賀韓十五

曹長時韓牧永州

曹長時韓牧永州

零陵香草滿郊坰。丹穴雛飛入翠屏。孝若歸來呈畫  
讚。孟陽別後有山銘。蘭陔舊地多纒結。桂樹新枝色  
更青。為報儒林丈人道。如今從此鬢星星。

寄楊八壽州

書

風獵紅旗入壽春。滿城歌舞向朱輪。八公山下清淮  
水。千騎塵中白面人。桂嶺兩餘多宦迹。茗園晴望似  
龍鱗。聖朝方用敢言者。次第應須舊諫臣。

李賈二大諫拜命後寄楊八壽州

諫省新登二直臣。萬方驚喜捧絲綸。則知天子明如

二十

日肯放淮陽高卧人。

宣上人遠寄賀禮部王侍郎放榜後詩因

而繼和

館

禮闈新榜動長安。九陌人人走馬看。一日声名徧天下。滿城桃李屬春官。自吟白雪銓詞賦。指示青雲借羽翰。借問至公誰印可。支郎天眼定中覘。

贈東岳張鍊師

東岳真人張鍊師。高情雅澹世間希。堪為烈女書青簡。久事元君住翠微。金縷機中拋錦字。玉清壇上著霓衣。雲衢不要吹簫伴。只擬乘鸞獨自飛。

秘書崔少監見亦墜馬長白因而和之

寬衣雲鬢不更吹簫伴只擬乘鸞獨自飛

秘書崔少監見亦墜馬長白因而和之

麟臺少監舊仙郎洛水橋邊墜馬傷塵汗膏間青盞  
綬風飄掌上紫遊韉上車著作應來問折臂三公定  
送方猶賴德全如醉者不妨吟詠入篇章

寄揚州與之舊姻

避地江湖知幾春今來本郡擁朱輪阮郎無復里中  
舊楊僕却為關外人各繫一官難命駕每懷前好易  
沾巾玉城山裏多靈藥擺落功名且養神

秋日題甯負外崇德里新居

實時荆  
度支案

長愛街西風景開到君居處暫開顏清光門外一渠

水秋色牆頭數點山。疎種碧松通月朗。多栽紅藥待春還。莫言堆案無餘地。認得詩人在此間。

蒙恩轉儀曹郎依前充集賢學士舉韓湖

州自代因寄七言

翔鸞關下謝恩初。通籍由來在石渠。暫入南宮判祥瑞。還歸內殿閱圖書。故人猶在三江外。同病凡經二紀餘。今日薦君嗟久滯。不唯文體似相如。

途次華州陪錢大夫登城北樓春望因觀

李崔令狐三相國唱和之什翰林舊侶繼

踵華城山水清高鸞鳳翔集皆忝夙眷遂

躡華城山水清高鸞鳳翔佳皆吞夙眷遂

題是詩

城樓四望出風塵見盡關西渭北春  
百二山河雄上國一双旌旆委名臣  
壁中今日題詩處天上同時草  
詔人莫怪老郎呈濫吹官途雖別舊情親

三鄉驛樓伏觀玄宗望女几山詩小臣斐

然有感



開元天子萬事足唯惜當時光景促  
三鄉陌上望仙山歸作霓裳羽衣曲  
倦心從此在瑤池三清八景相  
追隨天上忽乘白雲去世間空有秋風詞

洛下初冬拜表有懷上京故人

鳳樓南面控三條。拜表郎官蚤渡橋。清洛曉光鋪碧  
葦。上陽霜葉翦紅綃。省門簪組初成列。雲路鴛鴦想  
退朝。寄謝殷懃九天侶。槍榆水擊各逍遙。

尉遲郎中見示自南遷幸復却至洛城東

舊居之作因以和之

曾遭飛語十年謫。新受恩光萬里還。朝服不妨遊洛  
浦。郊園依舊看嵩山。竹含天籟清商樂。水遶庭臺碧  
玉環。留作功成退身地。如今只是暫時閑。

洛中酬福建陳判官見贈

潦倒聲名擁腫材。一生多故苦遭迴。南官舊籍遙相

管東洛閉門晝未開。靜對道流論藥石。偶逢詞客與  
瓊瑰。怪君近日文鋒利。新向延平看劍來。

始聞秋風

館

昔看黃菊與君別。今聽玄蟬我却回。五夜颼々枕前  
覺。一年顏狀鏡中來。馬思邊草拳毛動。鵬盼青雲睡  
眼開。天地肅清堪四望。為君扶病上高臺。

和蘇十郎中謝病閑居時嚴常侍蕭給事

同過訪歎初有二毛作

清羸隱几望雲空。左掖鴛鴦到室中。一卷素書銷永  
日。數莖斑鬢對秋風。菱花照後容雖改。蒼草占來命

已通莫怪人人驚  
蚤白綠君合是黑頭翁

訓淮南廖參謀秋夕見過之作  
林公昔為揚州從事

參謀從釋子及初服

館

揚州從事夜相尋  
無限新詩月下吟  
初服已驚玄髮長  
高情猶向碧雲深  
語餘時舉一椀酒  
坐久方聞數處砧  
不逐繁華訪閑散  
知君擺落俗人心

題王郎中宣義里新居

爰君新買街西宅  
客到如遊鄆杜間  
而後退朝貪種樹  
申時出省趁看山  
門前巷陌三條近  
牆內池亭萬境閑  
見擬移居作隣里  
不論時節請開關

境閑見擬移居作隣里不論時節請開閣

訓朗州崔貞外與任十四兄侍御同過鄙  
人舊居見懷之什時守吳郡

昔日居鄰招屈亭楓林摘樹鷓鴣聲一辭御苑青門

去十見蠻江白芷生自此曾沾宣室召如今又守闔

閭城何人萬里能相憶同舍仙郎與外兄  
任侍御予外兄崔貞

外南宮同官



美温尚書鎮定興元以詩寄賀

旌旗入境犬無聲戮盡鯨鯢漢水清從此世人開耳

目始知名將出書生



劉駙馬水亭避暑

千竿竹翠數蓮紅。水閣虛涼玉簟空。琥珀琰烘疑漏  
酒水精簾瑩更通風。賜冰滿盃沈朱實。法饌盈盤覆  
碧籠。盡日逍遙避煩暑。再官珍重主人翁。

述舊賀遷寄陝號孫常侍

南宮左輔  
兩處交代

南宮幸繫芝蘭後。左輔曾交印綬來。多病未離清洛  
苑。新恩已歷望仙臺。關頭古塞桃林靜。城下長河竹  
箭回。聞道隨車有零雨。此時偏動子荆才。

訓端州吳大夫夜泊湘川見寄一絕

夜泊湘川逐客心。月明猿叫若血沾襟。湘妃舊竹痕猶  
淺。從此因君染更深。

卷第二十の

劉賓客文集卷第二十五

雜體三十九首

翠微寺有感

館

吾王昔遊幸離宮雲際開朱旗迎夏畢涼軒避暑來  
湯筵賜都尉寒冰頒上才龍顛不可望玉坐生浮埃

連州臘日觀莫佺獬西山

海天殺氣薄蠻軍部伍囂林紅葉盡變原黑草初燒  
圍合繁鈺息禽興大旆搖張羅依道口嗾犬上山腰  
猜鷹慮奮迅驚鷹時跼跳瘴雲四面起臘雪半空銷  
箭頭餘鵠血鞍傍見雉翹日莫還城邑金笳發麗譙

中山集



觀舞柘枝二首

胡服何歲粧，一姬登綺墀。神颯獵紅蕖，龍燭然金枝。  
 垂帶覆纖腰，安鈿當嫵眉。翹袖中繁鼓，傾眸遡華棖。  
 燕餘有舊曲，淮南多冶詞。欲見傾城處，君省赴節時。  
 山鷄臨清鏡，石燕赴遥津。初如上客會長袖，入華茵。  
 体輕似無骨，觀者皆聳神。曲盡回身去，曾波猶注人。

君山懷古

屬車八十一，此地阻長風。浙載咸靈畫，赭山寒水中。

秋江晚泊

長泊起秋色，空江涵霽暉。莫霞十萬狀，賓鴻次第飛。

古戍見旗迥，荒村聞犬稀。朝蛾偏上客，勸酒夜相依。

古戍見旗迥荒村聞犬稀  
軻峨船上客勸酒夜相依  
步出武陵東亭臨江寓望

鷹至感風候霜餘變林麓  
孤颿帶日來寒江轉沙曲  
戍送旗影動津晚榜聲促  
月上綵霞收漁歌遠相續

秋日送客至潛水驛

候吏立沙際田家連竹溪  
裊林社日鼓茅屋午時鷄  
雀噪晚禾地蝶飛秋草畦  
驛樓宮樹近疲馬再三嘶

晚歲登武陵城顧望水陸  
張然有作

屋象承鳥翼蠻陬想犬牙  
俚人祠竹節仙洞開桃花  
城基歷漢魏江源自竇巴  
華表廖立墓菜地黃瓊家

霜輕菊秀晚石淺水文斜樵音遠故壘汲路明寒沙  
清風稍改葉盧橘如含葩野橋鳴驛騎叢祠發迫笳  
跳鱗避舉網倦鳥寄行查路塵高出樹山火遠連霞  
夕曛轉赤岸浮藹起蒼葭軋渡溪漿連赴林鴟  
叫閣道非遠賜環期自賒孤臣本危涕喬木在天涯  
湖州崔郎中曾長寄三癖詩自言癖在詩  
與琴酒其詞逸而高吟詠不足昔柳吳興  
亭臯隴首之句王融書之白團扇故為四  
韵以謝之

視事畫屏中自稱三癖翁管絃泛春渚旌旆拂晴虹

視事畫屏中自稱三癡翁管絃泛春渚旌旆拂晴虹  
酒對青山月琴韻白蘋風會書團扇上知君文字工

為郎分司寄上都同舍

藉通金馬門

家

身在銅駝陌省闈晝無塵宮樹遠凝碧

朝

荒街淺深轍古渡潺湲石唯有萬丘雲堪誇蚤朝客

登陝州城北樓卻寄京師親友

獨上百尺樓目窮思亦愁初日徧露草野田荒悠

塵息長道白林清宿烟收回首雲深處永懷帝鄉遊

請告東歸發灞橋卻寄諸僚友

征途出灞涘回首傷如何故人雲雨散滿目山川多

行車無停軌流景同迅波前歡漸成昔感歎並勞歌

中山集

三

秋晚題湖城驛池上亭

秋次池上館林塘照南榮塵衣紛未解幽思浩已盈  
風蓮墜故萼露菊含晚英恨為一夕客愁聽晨雞鳴

平蔡州三首

書

蔡州城中衆心死  
祇星夜落照壕水  
漢家飛將下天  
來馬箠一揮門洞開  
賊徒崩騰望旗拜  
有若群鷙鷩  
春雷狂童面縛登檻車  
大帛天矯垂捷書  
相公從容  
來鎮撫常侍郊迎負文弩  
西人歸業閭里閑  
小兒跳  
踉健兒舞

汝南晨雞喔，鳴城頭鼓角音  
和平路傍老人憶舊

事相與感歎皆涕零  
老人收泣前致辭  
官軍入城人

事相與感激皆涕零老人收泣前致辭官軍入城人  
不知忽驚元和十二載重見天寶承平時

九衢車馬渾々流使臣來獻淮西囚四夷聞風失匕  
筋天子受賀登高楼妖童擢髮不足數血汗城西一  
坏土南峰無火楚澤閑夜行不鎖穆陵閑策勲禮畢  
天下泰猛士按劍看常山時唯常山不度

平齊行二首

胡塵昔起薊北門河南地屬平盧軍貂裘代馬繞東  
岳嶧陽孤桐削為角地形析十二虜意驕恩澤含容歷  
四朝魯人皆解帶弓箭齊人不復聞簫韶今朝天子

聖神武手握玄符平九土初哀狂童襲故事文告不  
來方震怒去秋詔下誅東平官軍四合猶嬰城春來  
群鳥噪且驚氣如壞山墮其庭牙門大將有劉生夜  
半射落攬槍星帳中虜血流滿地門外三軍舞連臂  
駟騎逐首過黃河城中無賊天氣和朝庭侍郎來慰  
撫耕夫滿野行人歌

泰山沈寇六十年旅祭不饗生愁烟今逢聖君欲封  
禪神使陰兵來助戰妖氛掃盡河水清日覩杲，卿  
雲見開元皇帝東封時百神受職爭奔馳千鈞猛簇  
順流下洪波涵淡浮熊羆侍臣燕公秉文筆玉檢告

順流下洪波，迤淡浮熊羆。侍臣燕公秉文筆，王檢告  
天無愧詞。當今叡孫承聖祖，岳神望幸河宗舞青門。  
大道屬車塵，共待歲旌翠華舉。

城西行

城西簇々三叛族，叛者為誰蔡吳蜀。中使提刀出禁  
來，九衢車馬轟成雷。臨刑與酒栳未覆，仇家白官先  
請肉守吏能然。董卓躋饑烏來覘，桓玄目城西人散。  
秦街平雨洗血痕，春草生江

武昌老人說笛歌

武昌老將七十餘，手把庾令相問書。自言少小學吹  
笛，蚤事曹王曾賞激。往年鎮戍到蘄州，楚山蕭々笛

竹秋當時買林恣搜索典卻身上烏貂裘古苔蒼  
封老節石上孤生飽風雪商声五音随指發水中龍  
應行雲絕曾將黃雀樓上吹一声占盡秋江月如今  
老去語猶遲音韻高低耳不知氣力已無心尚在時  
時一曲夢中吹

西山蘭若試茶歌



山僧後檐茶數叢春來映竹抽新茸苑然為客振衣  
起自傍芳叢摘鷹嘴斯須炒成滿室香便酌砌下金  
沙水驟而松声入鼎來白雲滿盃花裴回悠揚噴鼻  
宿醒散清峭徹骨煩襟開陽崖陰嶺各殊氣未若竹

宿醒散清峭徹骨煩襟開陽崖陰嶺各殊氣未若竹

下萐苕地炎帝雖嘗未解煎桐君有錦那知味新芽  
連拳半未舒自摘至煎俄頃餘木蘭墜露香微似瑤  
草臨波色不如僧言靈味宜幽寂采之翹英為嘉客  
不辭儼封寄郡齋甑井銅鑪捐標格何況蒙山顧渚  
春白泥赤印走風塵欲知花乳清冷味須是眠雲跂  
石人



廟庭偃松詩并引

侍中後閣前有小松不待年而偃丞相晉公為賦詩  
美其猶龍蛇然植于高檐喬木間上欵旁輒盤蹙傾  
亞似不得天和者公以遂物性為意乃加憐焉命菴

土以壯其趾使無欹索綯以牽其榦使不仆盥漱之  
餘以潤之顧眄之輝以照之發於仁心感召和氣無  
復天闕坐能敷舒鄉之跽感化為奇古故雖衰大而  
有偃號焉予嘗詣閣白事公為道所以且示以詩竊  
感嘉木之逢時斐然成詠

圖

勢軋枝偏根已危高情一見與扶持忽從顛顛有生  
意卻為離披無俗姿影入巖廊行樂處韻含天籟宿  
齋時謝公莫道東山去待取陰成滿鳳池

荅東陽子令丞碧圖詩并引

東陽令于興宗丞相燕國公之猶子生綺襦紈袴間

所見皆貴盛而孳然有心如山東書生前年白有司

所見皆貴盛而挈然有心如山東書生前年白有司  
願為親民官以自效遂補東陽及莅官以簡易為治  
故多暇日一旦於縣五里偶得竒境埋沒於翳薈中  
于生自以有特操而生於公侯家由覆簷入仕常忽  
忽歎息因移是心開挾泉石芟去薜蘿斧凡材畚息  
壤而清溪翠岩森立空來因構亭其端題曰涵碧  
流貫于庭中如青龍蜿蜒冰去聲澈射人樹石雲霞列  
于前昏旦萬狀惜其居地不得有聞於時故圖之來  
乞詞既無負尤物予亦久翳蘿蒿者睹之慨然遂賦  
七言以貽後之文士

東陽本是佳山水何況曾經沈隱侯  
化得邦人解吟詠如今野令亦風流  
新開潭洞疑仙境遠寫丹青到  
雖州落在尋常畫師手猶能三伏凜生秋

贈致仕滕庶子先輩

時及第人  
人中最長

朝服歸來畫錦榮登科記更無名壽觴  
每使曾孫獻勝境長攜衆妓行矍鑠據鞍時  
騁健殷勤把酒尚多情陵寒卻向山陰去  
衣繡郎君雪裏迎時令子為  
御史主務

中在越

詠樹红柿子

曉連星影出晚帶日光懸本因遺採搗翻自保天年

庭竹

曉連星影出晚帶日光懸本因遺採摺翻自保天年

庭竹

露滌鈿粉節風搖青玉枝依依似君子無地不相宜

臺城懷古

館

清江悠悠王氣沈六朝遺事何處尋宮牆隱嶙園野  
澤鶴鳴夜鳴秋色深

題壽安甘棠館二首

公館似仙家池清竹迳斜山禽忽驚起衝落半巖花  
門前洛陽道門裏桃源路塵土與烟霞其間十餘步

與歌者米嘉榮

唱得涼州意外聲舊人唯數米嘉榮  
近來時世輕先

中山集

二十

輩好染顏頰事後生

聽舊宮中樂人穆氏唱歌

曾隨織女渡天河記得雲間第一歌休唱貞元供奉

曲當時朝士已無多

書

渾侍中宅牡丹圖

徑尺千餘朵人間有此花今朝見顏色更不向諸家

唐郎中宅與諸公同飲酒看牡丹

今日花前飲甘心醉數杯但愁花有語不為老人開

與歌者何哉

二十餘年別帝京重聞天樂不勝情舊人唯有何哉

在更與殷勤唱渭城

二十餘年別帝京重聞天樂不勝情舊人唯有何載

在更與殷勤唱渭城

與歌童田順郎

天下能歌御史娘花前月底奉君王九重深處無人  
見分付新聲與順郎

燕尔館破屏風所畫至精人多歎賞題之

畫時應遇空亡日賣處難逢識別人唯有多情徃來

客強將衫袖拂埃塵

賞牡丹

庭前芍藥妍無格池上芙蓉淨少情唯有牡丹真國

色花開時節動京城

中山集

寄陝州姚中丞

時分司東都

八月天地肅二陵風雨收  
旌旗闕下來雲日閑東秋  
禹跡想前事漢臺餘故丘  
裴回襟帶地左右帝王州  
留滯悲昔老恩光榮徹侯  
相思望棠樹一寄商聲謳

奉酬湖州崔郎中見寄五韻

山陽昔相遇灼灼晨葩鮮  
同遊翰墨場和樂埴篔簹  
然一落名官途浩如乘風船  
行當衰莫日卧理淮海壖  
猶期謝病後共樂桑榆年  
浙

劉賓客文集卷第二十六

樂府上

團扇歌

團扇復團扇奉君清暑殿秋風入庭樹從此不相見  
上有乘鸞女蒼々網虫遍明年入懷袖別是機中練

年文粹月

荊州歌二首

渚宮楊柳暗麥城朝雉飛可憐蹋青伴乘煥著輕衣  
今日好南風商旅相催發沙頭檣竿上始見春江闊

紀南歌

風烟紀南城塵土荆門路天寒多獵騎走上樊姬墓

中山集



宜城歌

野水遶空城行塵起孤驛荒臺側生樹石碣陽鐫額  
靡々度行人温風吹宿麥

順陽歌

朝辭官軍驛前望順陽路野水齧荒墳秋蟲鏤官樹  
曾聞天寶末胡馬西南驚城守魯將軍拔城從此去

馬嵬行

綠野扶風道黃塵馬嵬驛路邊楊貴人墳高三四尺  
乃問里中兒皆言幸蜀時軍家誅佞倖天子捨妖姬  
群吏伏門屏貴人牽帝衣低回轉美目風日為無暉

貴人飲金屑倏忽薨英莫平生服杏丹顏色真如故

群吏伏門屏貴人牽帝衣低回轉美目風日為無暉

貴人飲金屑倏忽薜英莫平生服杏丹顏色真如故  
屬車塵已遠里巷來窺覩共愛宿妝妍君王畫眉處  
履綦無復有履組光未滅不見岩畔人空見凌波襪  
郵童愛蹤跡私手解盤結博看千萬眼綫絕香不歇  
指環照骨明首飾敵連城將入咸陽市猶得賈胡驚

視刀環歌

圖

常恨言語淺不如人意深今朝兩相視脉脉萬重心

三閣辭四首

吳聲

貴人三閣上日晏未梳頭不應有恨事嬌甚卻成愁  
珠箔曲瓊鉤子細見揚州北兵那得度浪語判悠悠

中山集

沈香帖閣柱金樓畫閣相回首降幡下已見黍離  
三人出智井一身登樞車朱門漫臨水不可見鱸魚

更衣曲

館

博山烟，吐香霧紅燭引至更衣處夜如何其夜漫  
漫鄰雞未鳴寒雁度庭前雪壓松桂叢廊下點，懸  
紗籠滿堂醉客爭笑語嘈噴琵琶青幕中

淮陰行五首

江

古有長干行言三江之事悉矣余嘗阻風淮陰作淮  
陰行以禪樂府

簇，淮陰市行樓綠岸上好日起檣竿鳥飛驚五兩

金日轉船頭金烏指西北烟波與春草千里同一色

漢一淮陰市行樓綠岸上好日起樯竿鳥飛驚五兩

金日轉船頭金鳥指西北烟波與春草千里同一色

船頭大銅鑲摩挲光陳、蚤晚使風來沙頭一眼認

何物令儂羨、郎船尾燕銜泥趁樯竿宿食長相見

隔浦望行船頭昂尾幟、無柰挑菜時清淮春浪軟

競渡曲競渡始於武陵至今舉檝而相和之其音咸呼之何在斯招屈之義

事見圖徑

沅江五月平隄流邑人相將浮綵舟靈均何年歌已

矣哀謠振楫從此起揚枹擊節雷闐闐亂流齊進聲

轟然蛟龍得雨鬚鬣動蝶螭飲河形影聯刺史臨流

褰翠幃揭竿命爵分雄雌先鳴餘勇爭鼓舞未至尚

中山集

枚顏色沮百勝本自有前期一飛由來無定所風俗  
如狂重此時縱觀雲委江之湄綵旗夾岸照鮫室羅  
襪凌波呈水嬉曲修人散空愁莫招屈亭前水東注

堤上行三首

書

酒旗相望大堤頭堤下連橋堤上樓日暮行人爭渡  
急將聲出軋滿中流

江南江北望烟波入夜行人相應歌桃葉傳情竹枝  
怨水流無限月明多

浙

長堤僚繞水裴回酒舍旗亭次第開日晚上簾招估  
客軻我大扁落颿來

采菱行 武陵俗嗜菱菱歲秋矣有女郎盛

采菱行武陵俗嗜菱菱歲秋矣有女郎盛遊于馬湖薄言采之歸以御客古

有采菱曲罕傳其詞故賦之以俟采詩者

白馬湖平秋日光紫菱如錦採鴛翔盪舟遊女滿中

央采菱不顧馬上郎爭多逐勝紛相向時轉蘭橈破

輕浪長鬟弱袂動參差釵影釧文浮蕩漾笑語哇咬

顧晚暉蓼花綠岸扣船歸圖來共到市橋步野蔓繫

船萍滿衣涼竹樓臨廣陌下有連檣多估客攜觴

薦菱夜徑過醉蹋大隄相應歌屈平祠下沅江水月

照寒波白烟起一曲南音此地聞長安北望三千里

秋風引

何處秋風正蕭蕭，送雁群朝來入庭樹。孤客最先聞。

莫徭歌

莫徭自生長，名字無符籍。布易雜鮫人，婚姻通木客。  
星居占泉眼，火種開山脊。夜渡千仞谿，含沙不能射。

蠻子歌

蠻語鈎輶音，蠻衣斑斕布。烹狸掘沙鼠，時節祠盤瓠。  
忽逢乘馬客，恍若驚麕顧。腰斧上高山，意行無舊路。

洞庭秋月行

浙

洞庭秋月生湖心，曾波萬頃如鎔金。孤輪徐轉光不  
定，遊氣滌滌隔寒鏡。是時白露三秋中，湖平月上天

地望工岳陽城頭莫角絕蕩漾已過君山東山城蒼

定遊氣滿，限寒鏡是時白露。三秋中湖平月上天  
地空岳陽城頭莫角絕蕩漾已過君山東山城蒼々  
夜寂々水月逶迤繞城白盪漿已童歌竹枝連播估  
客吹羌笛勢高夜久陰力全金氣肅肅開清躔浮雲  
野馬歸四裔首冠星斗當中天天雞相呼曙霞出飲  
影含光讓朝日日出喧々人不閑夜來清景非人間

蹋歌詞四首

圖

春江月出大隄平隄上女郎連袂行唱盡新詞歡不  
見紅霞映樹鷓鴣鳴

桃蹊柳陌好經過鐙下妝成月下歌為是襄王故宮  
地至今猶自細腰多

二十六

新詞宛轉遞相傳  
振袖傾鬟風露前  
月落烏蹄雲而  
散遊童陌上拾花鈿

日莫江南聞竹枝  
南人行樂北人悲  
自從雪裏唱新  
曲直到三春花盡時

華清詞

圖

書

日出驪山東  
裴回照溫泉  
樓臺影玲瓏  
稍稍開白烟  
言昔太上皇  
常居此祈年  
風中聞清樂  
往往來列仙  
翠華入五雲  
紫氣歸上玄  
新生人淚泣盡  
弓劍前  
聖道本自我  
凡情徒顯然  
小臣感玄化  
一劫青冥天

步虛詞二首

阿母種桃雲海際  
花落子城三千歲  
海風吹折最繁

阿母種桃雲海際  
花落子城三千歲  
海風吹折最繁  
枝跪捧瓊槃獻天帝

華表千年一雀歸  
凝丹為頂雪為衣  
星々仙語人聽  
盡卻向五雲翻翅飛

桃源行

書

漁舟何招々浮在武陵水  
抱綸擲餌信流去誤入桃  
源行數里清源尋盡花綿々  
蹋花覓逕至洞前洞門  
蒼黑烟霧生暗行數步逢虛明  
俗人毛骨驚仙子爭  
來致詞何至此須臾皆破冰  
雪顏笑言委曲問人間  
因嗟隱身來種玉不知人世  
如風燭筵羞石髓勸客

餐鎿藝松脂留客宿雞声犬声遥相聞曉光葱籠開  
 五雲漁人振衣起出戶滿庭無路花紛々翻然恐迷  
 鄉縣處一息不肯抵源住梅花滿溪水似鏡塵心如  
 垢洗不去仙家一出尋無蹤至今水流山重々

魏宮詞二首

日晚長秋簾外報望陵歌舞在明朝添鑪火欲熏衣  
 麝憶得分明不忍燒

日映西陵松柏枝下臺相顧一相思朝來樂府長歌  
 曲唱著君王自作詞

阿嬌怨

望見歲華舉翠華試開金屋掃庭花須臾官女傳來

阿嬌怨  
望見歲蕤舉翠華試開金屋掃庭花  
漢史官女傳來信言幸平陽公主家

九華山 并引

館

九華山在池州青陽縣西南九峰競秀神采奇異昔予仰太華以為此外無奇愛女几荆山以為此外無秀及今見九華始悼前言之容易也惜其地偏且遠不為世所稱故歌以大之

江  
奇峰一見驚魂魄意想洪鑪始開闢疑是九龍天矯欲攀天忽逢霹靂一声化為石不然何至今悠悠億萬年氣勢不宛如騰仝

音騫輕舉兒

雲含幽兮月添冷口

凝輝兮江漾影結根不得要路津迥秀長在無人境  
 軒皇封禪登云亭大禹會計臨東溟乘標山力追反行免不  
 來廣樂絕獨與猿鳥愁青熒君不見敬亭之山黃索  
 漠兀如斷岸無稜角宣城謝守一首詩遂使名聲齊  
 五岳九華山九華山自是造化一尤物焉能籍甚乎  
 人間

送春曲三首

江

春向晚春晚思悠哉風雲漸已改花葉自相催  
 漠漠空中去何時天際來  
 春已暮冉，如人老映葉見殘花連天是青草可憐

春已暮矣，如人老矣。映葉見殘花，連天是青草。可憐。

桃與李從此同桑棗

春景去此去何時  
回遊人千萬恨  
落日高臺寂寞  
繁花盡流鶯歸不來

初夏曲三首

銅壺方促夜斗柄暫南回  
稍嫌單衣重初憐北戶開

西園花已盡新月為誰來

時節過繁華陰下千萬家  
巢禽命子戲園果墜枝斜

寂寞孤飛蝶窺叢覓晚花

綠水風初暖青林露葉晞  
麥田雉朝雊桑野人莫歸

百舌悲花盡無聲來去飛

柳花詞三首

開從綠條上散逐香風遠故取花落時悠揚占春晚  
輕飛不假風輕落不委地撩亂舞晴空發人無限思  
晴天黯、雪來送青春莫無意似多情千家萬家去

送春詞

昨來樓上迎春處今日登樓又送歸蘭葉殘妝含露  
泣柳條長袖向風揮佳人對鏡容色改楚客臨江心  
事違萬古至今同此恨無如一醉盡忘機


秋詞二首

自古逢秋悲寂寥我言秋日勝春朝晴空一雁排雲


自古逢秋悲寂寥我言秋日勝春朝晴窗一簾排雲

上便引詩情到碧霄

山明水淨夜來霜數樹深紅出淺黃  
試上高樓清入骨豈知春色嗾人狂



浙江圖書館



浙江圖書館

劉賓客文集卷第二十七

樂府下

秦娘歌并引

館



秦娘本常尚書家主謳者初尚書為吳郡得之命樂  
工誨之琵琶使之歌且舞無幾何盡得其術居一  
歲攜之以歸京師京師多新聲善工於是又捐去故  
技以新聲度曲而秦娘名家徃々見稱於貴遊之間  
元和初尚書薨於東京秦娘出居民間久之為蘄州  
刺史張恣所得其後恣坐事謫居武陵郡恣卒秦娘  
無所歸地荒且遠無有能知其容與藝者故日抱樂  
中山集

器而哭其音焦殺以悲維客聞之為歌其事以續于  
樂府云

秦娘家本閭門西門前綠水環金隄有時妝成好天  
氣走上鼻橋折花戲風流太守常尚書路傍忽見停  
隼換斗量明珠烏傳意紺纒迎入專城居長髮如雲  
衣似霧錦茵羅薦承輕步舞學鶯鳴水榭春歌撩上  
客蘭堂莫從郎西入帝城中貴遊簪組香簾櫳依鬢  
緩視抱明月纖指破撥生胡風繁華一旦有消歇題  
劍無光履聲絕洛陽舊定生草萊杜陵蕭々松柏哀  
妝奩虫網厚如繭博山鑪側傾寒灰蘄州刺史張公

子白馬新到銅駝里自言買笑擲黃金月墮雲中從

子白馬新到銅駝里自言買笑擲黃金月墮雲中從  
此始安知鵬鳥坐隅飛寂寞旅魂招不歸秦嘉鏡有  
前時結韓壽香銷故篋衣山城少人江水碧斷雁哀  
猿風雨夕朱弦已絕為知音雲鬢未秋私自惜舉目  
風煙非舊時夢尋歸路多參差如何將此千行淚更  
灑湘江斑竹枝

秋扇詞

莫道恩情無重來人間榮謝遞相催當時初入君懷  
袖豈念寒鑪有死灰

搗衣曲

二十七

爽砧應秋律繁杵含淒風一一遠相續家音不同  
戶庭凝露清伴侶明月中長裾委襞積輕佩垂璫瓏  
汗餘衫更馥鈿移麝半空報寒驚邊雁促思聞候重  
天狼正芒角虎落定相攻盃篋寄何處征人如轉蓬

七夕二首

河鼓靈旗動姮娥破鏡斜滿空天是幕徐轉斗為車  
機罷猶安石橋成不礙查寧知觀津女竟夕望雲涯  
天衢啓雲帳神馭上星橋初喜渡河漢頻驚轉斗杓  
餘霞張錦幃輕電閃紅綃非是人間世還悲後會遙

龍陽縣歌

縣門白日無塵土百姓縣前抱魚罟主人引客登大

縣門白日無塵土百姓縣前挽魚罟主人引客登大  
隄兒小人縱觀黃犬怒鷓鴣驚鳴遠籬落摘袖垂芳照  
窓戶沙平草綠見吏稀寂歷斜陽照懸鼓

度桂嶺歌

桂陽嶺下下復高高人稀鳥獸駭地遠草木索寄言  
千金子知余歌者勞

挿田歌并引

連州城下俯接村墟偶登郡樓適有所感遂書其事

為俚歌以俟采詩者

罔頭花草齊燕子東西飛田塍望如線白水光參差

中山集

農婦白紵君農夫綠蓑衣齊唱田中歌嚶停如竹枝  
 但聞怨響音不辨俚語詞時一大笑此必相嘲嗤  
 水平苗漠了烟火生墟落黃犬徃復還赤雞鳴且啄  
 路傍誰家郎烏帽衫袖長自言上計吏年初離帝鄉  
 田夫語計吏君家儂定諳一來長安罷眼大不相參  
 計吏笑致辭長安真大處省門高軒峨儂人無度數  
 昨來補衛士唯用筒竹布君看二三年我作官人去

畬田作

浙

何處好畬田團了慢山腹鑽龜得兩卦上山燒卧木  
 驚麇走且顧群雉声咿嗟紅焰遠成霞輕煤飛入郭

驚鷹磨走且顧群雉去  
紅爐遠成霞輕博飛入郭

風引上高岑獵獵度青林  
青林望靡靡赤光低復起  
照潭出老蛟爆竹驚山鬼  
夜色不見山孤明星漢間  
如星復如月俱逐曉風滅  
木從敲石光遂致烘天熱  
下種煖灰中采陽坑午孽蒼  
一雨後蒼穎如雲發  
巴人拱手吟耕耨不閔心  
由來得地勢徑寸有餘陰

蒲桃歌



野田生蒲桃纏繞一枝萬  
移來碧墀下張王日日高  
分岐浩繁偃修蔓蟠詰曲  
揚翹向庭柯意思如有屬  
爲之立長架布護當軒綠  
米液溉其根理踈看滲漉  
繁葩組綬結懸寶珠璣  
感馬乳帶輕霜龍鱗躍初旭

有客汾陰至臨堂瞪雙目自言我晉人種此如種玉  
釀之成美酒令人飲不足為君博一斗往取涼州牧

鷓鴣吟

朝陽有鳴鳳不聞千萬祀題鷓催衆芳晨間先入耳  
秋風白露晞從是爾啼時如何上春日啞々滿庭飛

牆陰歌

白日左右浮天潢朝晡影入東西牆昔為兒童在陰  
戲當時意小覺日長東隣侯家吹笙簧隨陰促促移  
象牀西隣田舍乏糟糠就影汲々春黃梁因思九州  
四海外家家只占牆陰內莫言牆陰數尺間老卻主

人如等閑君看眼前光景促中心莫學太行山

人如等閑君看眼前光景促中心莫學太行山

觀雲篇

興雲感陰氣疾走如見機晴來意態行有若功成歸  
葱籠含晚景潔白凝秋暉夜深度銀漢漢々仙人衣

沓潮歌并引

元和十年夏五月終風駕濤南海羨溢南人曰沓潮  
也率三更歲一有之余為連州客或為予言其狀因  
歌之附于南越志

屯門積日無回颯滄波不歸成沓潮轟如鞭石斫且  
搖亘空欲駕龜鼉橋驚湍戲縮悍而驕大陵高岸失

岩堯四邊無阻音響調背負元氣掀重霄介鯨得性  
方道遙仰鼻噓吸揚朱翹海人狂顧迭相招蜀衣整  
首声曉，征南將軍登麗譙赤旗指麾不敢躡翌日  
風回沴氣消歸濤幼，景昭，烏泥白沙復滿海，  
色不動如青瑤

百花行



長安百花時風景宜輕薄無人不沽酒何處不聞樂  
春風連夜動微雨陵曉濯紅焰出牆頭雪光映樓角  
繁紫韻松竹遠黃遠籬落臨路不勝愁輕飛去何託  
滿庭蕩魂魄照廡成丹渥爛漫嗾顛狂飄零勸行樂

時節易晚晚清陰覆池閣唯有安石榴當軒慰寂寞

春有情篇

為問遊春侶春情何處尋花含欲語意草有闌生心  
雨頻催發色雲輕不作陰縱令無月夜芳興暗中深

路傍曲

南山宿雨晴春入鳳皇城處處聞弦管無非送酒聲

白鷺兒

白鷺兒最高格毛衣新成雪不敵衆禽喧呼獨凝寂  
孤眠芊芊草久立潺潺石前山正無雲飛去入遥碧

壯士行

陰風振寒郊猛虎正咆哮徐行出燒地連吼入黃茅  
壯士走馬去鏗前彎玉弣叱之使人立一發如鉞交  
悍睛忽星墮飛血濺林梢彪炳為我席羶腥充我庖  
里中欣害除賀酒紛號叟明日長橋上傾城看斬蛟

邊風行

邊馬蕭蕭鳴邊風湍湍生暗添弓箭力半上鼓聲  
襲月寒暈起吹雲陰陳成將軍占氣候出號夜翻營

一作安號  
畏翻城

竹枝詞 并引

四方之歌異音而同樂歲正月余來建平里中兒聯

歌竹枝吹短笛擊手鼓以赴節歌者揚袂睢舞以曲多

四方之歌異音不同樂業正月余來建平里中見  
歌竹枝吹短笛擊鼓以赴節歌者揚袂睢舞以曲多  
為賢聆其音中黃鐘之羽卒章激訐如吳聲雖愴停  
不可分而含思宛轉有淇濮之豔昔屈原居沅湘間  
其民迎神詞多鄙陋乃為作九歌到于今荆楚鼓舞  
之故余亦作竹枝詞九篇俾善歌者颺之附于末後  
之聆已歛知變風之自焉

白帝城頭春草生白鹽山下蜀江清南人上來歌一  
曲北人莫上動鄉情

山桃紅花滿上頭蜀江春水浙相山流花紅易衰似郎  
意水流無限似儂愁

江上朱樓新雨晴  
灤西春水穀文生  
橋東橋西好楊柳  
人來人去唱歌行

日出三竿春霧消  
江頭蜀客駐蘭橈  
憑寄狂夫書一

紙住在成都萬里橋

書

兩岸山花似雪開  
家々春酒滿銀杯  
昭君坊中多女

伴永安宮外躡青來

城西門前灩澦堆  
年々波浪不能摧  
懊惱人心不如

石少時東去復西來

浙

瞿唐嘈々十二灘  
此中道路古來難  
長恨人心不如

水等閑平地起波瀾

巫峽蒼々烟雨時  
青猿啼在最高枝  
箇裏愁人腸自

巫峽蒼々烟雨時清猿啼在最高枝  
箇裏愁人腸自斷由來不是此聲悲

山上層々桃李花雲間烟火是人家  
銀釧金釵來負水長刀短笠去燒畬

楊柳枝詞九首

書

塞北梅花羌笛吹淮南桂樹小山詞  
請君莫奏前朝曲聽唱新翻楊柳枝

南陌東城春蚤時相逢何處不依依  
桃紅李白皆誇好須得垂楊相發揮

鳳闕輕遮翡翠幃龍池遙望麴塵絲  
御溝春水相暉

映狂殺長安年少兒

金谷園中鶯亂飛  
銅駝陌上好風吹  
城東桃李須臾

盡爭似垂楊無限時

館

花萼樓前初種時  
美人樓上鬪晉支  
如今拋擲長街

裏露葉如啼欲恨誰

煬帝行宮汴水濱  
數株殘柳不勝春  
晚來風起花如

雪飛入宮牆不見人

江圖

御陌青門拂地垂  
千條金縷萬條絲  
如今縮作同心

結將贈行人知不知

城外春風吹酒旗  
行人揮袂日西時  
長安陌上無窮

對佳有垂楊管別離

樹唯有垂楊管別離

輕盈嫋娜占年華舞榭妝樓處  
遮春盡絮飛留不得隨風好去落誰家

浪淘沙詞九首

九曲黃河萬里沙浪淘風歎自天涯  
如今直上銀河去同到牽牛織女家

洛水橋邊春日斜碧流輕淺見瓊砂  
無端陌上狂風急驚起鴛鴦出浪沙

汴水東流虎眼文清淮曉色鴨頭春  
君看渡口淘沙處渡卻人間多少人

鸚鵡舟頭浪颭沙青樓春望日將斜銜泥燕子爭歸

舍獨自狂夫不憶家

濯錦江邊兩岸花春風吹浪正淘沙女郎剪下鴛鴦

錦將向中流定晚霞

書

日照澄洲江霧開淘金女半滿江隈美人首飾侯王

圖

印盡是沙中浪底來

八月濤聲吼地來頭高數丈觸山回湏臾卻入海門

去卷起沙堆似雪堆

浙

莫道謔言如浪深莫言遷客似沙沈千淘萬灑雖辛

苦吹盡狂沙始到金

流水淘沙不暫停前波未滅後波生令人忽憶瀟湘

流水淘沙不暫停前波未滅後波生令人忽憶瀟湘  
渚回唱迎神三兩聲

瀟湘神二首

館

湘水流湘水流九疑雲物在愁君問二妃何處所

零陵香草露中秋

斑竹枝斑竹枝淚痕點點寄相思楚客欲聽瑤瑟怨

瀟湘深夜月明時

拋毬樂詞二首

浙

五綵繡團圓登君璫瑁筵最宜紅燭下偏稱落花前

上客如先起應須贈一船

中山集

春蚕見花枝朝、恨發遲及看花落後卻憶未開時  
幸有拋毬樂一栳君莫辭

楊柳枝詞二首館

迎得春光先到來淺黃輕綠映樓臺只緣裊娜多情  
思便被春風長請接  
巫峽巫山楊柳多朝雲暮雨送相和因想陽臺無限  
事為君回唱竹枝歌

竹枝詞二首浙

楊柳青、江水平聞郎江上唱歌聲東邊日出西邊  
雨道是無晴還有晴

楚水巴山江雨多巴人能唱本鄉歌今朝北客思歸


楚水巴山江雨多  
巴人能唱本鄉歌  
今朝北客思歸去  
回入紇那披綠羅

紇那曲詞二首館

楊柳鬱青，竹枝無限情  
詞郎一回顧聽唱紇那聲  
蹋曲興無窮  
調同詞不同  
願郎千萬壽  
長作主人翁  
右已上詞先不入集  
伏緣播在樂軍  
今附于卷末


浙江

二十一



浙江圖書館






浙江圖書館

浙江圖書館藏

012550

一九五〇年





浙江圖書館



浙江圖書館

浙江圖書館善本

甲 登記號：018960

一九 年 月 日



浙江圖書館

colorchecker CLASSIC



x-rite



colorchecker CLASSIC



x-rite

